

Skupština Kantona Sarajevo

Admela Hodžić, samostalna zastupnica u Skupštini Kantona Sarajevo

Sarajevo, 30.10.2023. godine

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
N/r predsjedavajućeg
Ministarstvo za odgoj i obrazovanje Kantona Sarajevo
Ministarstvo unutrašnjih poslova Kantona Sarajevo

ZASTUPNIČKO PITANJE

Na osnovu čl. 106., 211. i 214. Poslovnika Skupštine Kantona Sarajevo („Službene novine Kantona Sarajevo“, broj:41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) pitanje upućujem Ministarstvu za odgoj i obrazovanje i Ministarstvu unutrašnjih poslova Kantona Sarajevo kojim tražim da mi se dostave podaci o mladim ljudima koji su u protekle dvije školske godine, tokom svog obrazovanja u srednjim školama Kantona Sarajevo, počinili neka od sljedećih djela kao što su: krađa, konzumiranje, podsticanje na konzumiranje, odnosno pomaganje učeniku u upotrebi alkohola ili svih vrsta narkotika, izazivanje, podstrekivanje ili učestvovanje u tuči, posjedovanje oružja ili hladnog oruđa, izazivanje nacionalne, etničke, rasne ili vjerske netrpeljivosti, zloupotreba sredstava komunikacije i postavljanje neprimjerenih sadržaja na edukativnim platformama, nemaran odnos prema radu, učenju i aktivnostima u školi, neprimjeren odnos prema drugim učenicima, nastavnicima i drugim radnicima i školskoj imovini i drugi slučajevi utvrđeni pravilima škole zbog kojih je nastavno osoblje moralo posegnuti za izricanjem odgojno-disciplinskih mjera za povrede učeničkih dužnosti, kao i svim drugim neprimjerenim radnjama koje ovdje nisu pomenute ali su bile predmet postupanja službenika Ministarstva unutrašnjih poslova Kantona Sarajevo, a koje su počinjene tokom nastave.

OBRAZLOŽENJE

Smatram da moramo imati egzaktno podatke i realnu sliku o svim počinjenim društveno neprihvatljivim postupcima učenika tokom srednjeg obrazovanja posljednje dvije školske godine, prije nego što donesemo konačnu odluku odnosno usvojimo novi zakonski propis o osnovnom i srednjem odgoju i obrazovanju u Kantonu Sarajevo tj. -Prijedlog Zakona o odgoju i obrazovanju u osnovnoj i srednjoj školi u Kantonu Sarajevo.

Ukoliko se donese novi zakon koji nalaže da je srednje obrazovanje obavezno, a učenik napravi najtežu povredu učeničke dužnosti za koju je predviđena mjera isključenje iz škole, a ne bude se mogao prebaciti u drugu školu zbog nedostatka propisa koji to omogućava i detaljno opisuje može dovesti do nerješive i opasne situacije. Postavlja se pitanje da li će to ugroziti nastavni proces. Da li će to ugrožavati ostale učenike? Da li će roditelji dozvoliti da njihova djeca pohađaju školu u kojoj bi im se eventualno onemogućio kvalitetan nastavni proces i sigurnost? Da li će možda odabrati da se školovanje njihove djece nastavi u nekoj drugoj sarajevskoj srednjoj školi u cilju osiguranja svojoj djeci pravo na sigurnost i kvaliteteno obrazovanje? Da li ćemo imati više zahtjeva da se zbog eventualnih problema ostali srednjoškolci prebacuju u sarajevske privatne srednje škole u potrazi za boljim uslovima rada i lične sigurnosti?

Admela Hodžić

Zastupnica u Skupštini Kantona Sarajevo